



Is trí bhíthin e-Curia amháin a dhéanfar doiciméid chúirte a mhalartú idir ionadaithe na bpáirtithe agus an Chúirt Ghinearálta amhail an 1 Nollaig 2018

Is é is aidhm don athrú seo ná lántairbhe a bhaint as chomh láithreach agus atá an chumarsáid gan pháipéar agus bainistiú na gcásanna a bharrfheabhsú

Leis an bhfeidhmchlár teicneolaíochta faisnéise, e-Curia, a úsáideann an Chúirt Bhreithiúnais agus an Chúirt Ghinearálta araon, is féidir doiciméid nós imeachta a thaisceadh agus a sheirbheáil trí mheán leictreonach.

Léiríonn an méadú ar líon na sealbhóirí cuntas rochtana (4 230 faoi láthair) agus an t-ardú ar an gcéatadán de thaiscí arna ndéanamh trí bhíthin e-Curia (is ionann sin agus 83% de na taiscí a rinneadh os comhair na Cúirte Ghinearálta sa bhliain 2017) go bhfuil an-tóir ar an modh tarchuir sin ó seoladh é i mí na Samhna 2011.

Spreag trí ní an Chúirt Ghinearálta le fáil réidh le foirm an pháir ina cuid imeachtaí: an t-aiseolas dearfach a fuarthas ó úsáideoirí (idir dhlíodóirí agus ghníomhaithe), láithreach na teagmhála leictreonaí agus na gnóthachain éifeachtúlachta a bhain le gan bheith freagrach as dhá mheán éagsúla (páipéar/ digiteach) a bhainistiú.

Spreag an gá chun creat dlí a chur leis an athrú seo an Chúirt Ghinearálta, an 11 Iúil 2018, chun leasuithe ar a rialacha nós imeachta a ghlacadh maraon le cinneadh nua maidir le taisceadh agus seirbheáil doiciméad nós imeachta trí bhíthin e-Curia.

Fágfaidh na leasuithe seo agus an cinneadh sin, a foilsíodh in *Iris Oifigiúil an Aontais Eorpaigh* an 25 Meán Fómhair 2018¹, gur trí bhíthin e-Curia amháin a dhéanfar doiciméid chúirte a mhalartú idir páirtithe in imeachtaí agus an Chúirt Ghinearálta amhail an 1 Nollaig 2018. Baineann an t-athrú seo leis na páirtithe go léir (iarratasóirí, cosantóirí agus idiragraithe) agus le gach cineál imeachtaí, lena n-áirítear nósanna imeachta práinne, agus eisceachtaí áirithe á gcoimeád chun prionsabal na rochtana ar na cúirteanna a urramú (go háirithe i gcás nach bhfuil sé indéanta go teicniúil e-Curia a úsáid nó i gcás ina n-iarrann iarrthóir atá gan ionadaíocht dhlíthiúil cúnamh dlíthiúil).

Ós rud é go bhfuil an t-athrú seo ar tí tarlú, iarrtar ar na dlíodóirí agus na ghníomhaithe sin nach bhfuil cuntas rochtana ar e-Curia acu go fóill iarratas a dhéanamh go gcruthófar cuntas dóibh trí bhíthin na foirme iarratais ar rochtana.

Tá eolas maidir le e-Curia ar fáil ar láithreán gréasáin Chúirt Bhreithiúnais an Aontais Eorpaigh (http://curia.europa.eu/jcms/jcms/P_78957).

Is doiciméad neamhoifigiúil do na meáin é seo agus níl an Chúirt Bhreithiúnais faoi cheangal aige

Teagmháil phreasa: (+352) 4303 3355.

¹ Leasuithe ar Rialacha Nós Imeachta na Cúirte Ghinearálta agus Cinneadh ón gCúirt Ghinearálta an 11 Iúil 2018 maidir le taisceadh agus seirbheáil doiciméad nós imeachta trí bhíthin e-Curia (IOAE 2018, L 240, 68 agus Ich. 72).